





湘山事狀全集卷之九

初賜崇寧禪寺記

全州司理參軍李暉撰

暉備員理曹竊觀太守彭公以舊寺景德者丐禪額於朝期得上根正智聞繹祖意以待四方之衆學非特敬奉香火敬則改造而已也勤勤懇懇列之漕臺惟部使者弗抑厥請刻奏上聞寔歲之壬午也越明年春拜賜崇寧禪寺邦人榮之則既求善知識為一代師又刻勅牒於堅珉用焜燿于不泯一日主塔智允以謂維持宗教公有力焉紀述是廢則何以昭示來者暉樂



聞茲事因為之記曰今夫浮圖之宮幾滿四海  
凡名遠谷勝絕幽奇孰非梵刹之居粵自漢魏  
訖隋與唐逮吾 鉅宋餘千百年矣其植根深  
其流波遠不無助於治道雖以唐武宗之沙汰  
俾髮而農韓愈氏之詆訾欲火其書而此教滋  
久而愈明果何說耶蓋民迷之日久矣將恃聰  
明者在事而未必見理故賢智以還顛沛末流  
者滔滔皆是致使凡夫一槩耶理見性有不假  
文字而機靈頓進於不二之旨故雖天下之聰  
明且不能奪所有而予所無是安得不為賢人  
智士之所景慕而不厭也耶雖然真淨明妙虛

徹靈通名為衆生之本源者心地是已坐進此  
道不可容聲只如此說已自深着然自衣法之  
付白馬戾止經律疏論所以詮此心明道契所  
以傳此是知雖非耶言而可盡亦非捨言而能  
學也公之治行大抵體儒之仁合佛之慈故下  
車未幾訪道場之勝地則酷愛寂照結廬之旁  
惜其丘墟棟壓久而未振於是慨然有言生死  
事大彼障於事理者曾莫覺悟况足與語無生  
者耶今既寺榜一新矣西來之意復有能露其  
消息者矣學人禪客則將聞風而悅之有絡繹  
湘源之上而弗倦者非直為山清水秀役也亦



蕪師乎以瑩疑如夢者覺醉者醒有了一大事  
之效則公之始基永啓厥後而功利濟益之賜  
詎可量哉二年冬十月望日記山南東道節度  
推官知清湘縣事成展監全州軍事推官劉汝  
賢立宣義郎權通判全州軍州兼管內勸農事  
借緋孫道書西京左藏庫使知全州軍州兼管  
內勸農事兼充本州管界沿邊溪峒都巡檢使  
上護軍彭崇一篆額

翻蓋寶塔金輪相記

釋門垂教廣利人天世之宗仰古今不變蓋欲  
三教鼎立並行者也所謂三世佛者釋迦曰現

在彌勒曰未來無量壽曰過去故釋迦經阿僧  
祇劫精修萬行全證道果演大藏教無處不周  
非徒以文詞具述萬一彌勒昔居兜率內苑說  
上生經為生心切遂化生於婆之義烏雲黃山  
寶林寺側姓傳娶留氏有二男名曰普成普見  
所作異衆日食畢耘人之田掘泉種瓜隨人取  
去頂生肉髻作冠書之佛名頂之民有疫癘令  
撥轉冠子消禳不愆晷刻而愈縣宰陳長官聞  
之以幻感人世歆罪之方舉杖遍聽現彌勒真  
相宰炷香自悔偈不復書於此後歸寶林於魚  
塘照影皆現佛相出言成章作十冊為大士錄



傳於寶林一日同妻往留氏家至瑞聖山忽雨  
作感兩鶴蔽其上繼時童子劉進兒收其一經  
旬翔去至梁時名達 武帝帝因召十高僧齋  
思請傳公恨遠難至一高僧奏云若欲召之燒  
書必來當晚燒書中夜已至金陵擊內門道冠  
儒履僧服所謂門 相板從茲始也 帝命講  
經上案揮一赤便下 帝問如何荅云講經訖  
帝大悅其妻留氏實妙光菩薩應身得 旨改  
瑞聖山為白鶴寺以建道場二男普成普見乃  
天親無着應世弥勒道場雲黃山寶林寺是也  
恐後人不復見其頂上冠子故初立經藏轉之

乃誓云藏聲相接吾道興矣無量壽佛過去所  
說無量壽經藏教其載化身於郴州郴縣周氏  
家自幼削髮法名全真僧儀挺特叅禮諸方至  
杭之徑山國一大覺禪師室中契悟心宗故說  
偈云有物先天地無形本寂寥能為萬象主不  
逐四時彫於是闡化湘嶺或居覆釜靈山說教  
十二部流傳湖湘預知 唐武宗會昌中沙汰  
之禍遂囑侍僧圓鏡圓鑑歸俗自此鬚髮頰生  
易羽人冠服湘山雪山二王常侍左右以二月  
初十日為生滅之日肉身瘞于寺西崑洞有屋  
奉香火未幾毫光閃爍十有一道各化一佛天



神衛護顯瑞異常郡人驚喜遂啓塔戶宴座如  
生募緣建造寶塔七層於飛來石之下為大精  
舍凡有禱祈無不感應建中靖國元年奉勅封  
寂照大師紹興五年賜妙明塔額紹興十四年  
封慈佑寂照大師慶元四年封慈佑寂照妙應  
大師乃無量壽佛化身若是也今觀三佛出興  
流傳正教可謂法輪再轉於閩浮法鼓重聲於  
宇內甘露流津於季末靈液沾潤於遐裳者矣  
如珪自嘉定丙子春領郡侯潛命主香火寺宇  
久弗修葺耆宿告云二十餘載無斤斧聲由是  
熏修樽節以公去私命集禪侶整肅叢席方餘

一載初更門墻佛殿遮暘續皆新之郡人相孚  
於已卯春請

佛上街小大樂施新造金銀塔尖獨七層寶塔  
無力翻蓋忽遇大師給事鄒公至一言相契施  
金百千以助齋厨 母國太夫人與帥機共捨  
銀五十兩成就塔中修造諸處皆以莊嚴鄙願  
既滿躬自董後事訖圓成如珪生於弥勒所生  
之鄉得度於妙光菩薩道場每聞人問袖子弥勒  
勒顯化茫然莫曉雖不在座同受斯耻今主無  
量壽法社未來過去事跡欲廣流行故引釋迦  
為三世佛出興記以示後來亦使施者名不墜



為嘉定十三年歲在庚辰仲秋朔住山芥堂如  
珪謹述

全州湘山塔石龜記

湘山新作無量師塔而州人有得石龜於桃枝  
灣者以其非確錯而自然者也相與負而歸諸  
塔下已而塔僧智允致其龜以示余余始矍然  
疑其為真龜者也徐而耶之特其似者形尔雖  
然乃獨不為魚蛇龜鱉而為龜者其諸異乎形  
之所以歟龜固靈物也能前知禍福以告人者  
夫以無量師千百年不壞之軀為一方皈依信  
嚮叩無不應祈無不報而是龜也不自乎山不

出乎淵乃能挺然自拔於寂寞莽蒼之野而州  
人不戒以孚不謀以同又相與負而歸師之祠  
所豈形識之合是必以類而沉浮出沒顯晦用  
舍自各有數然耶嗚呼天下之物盖有以偽而  
勝真者多矣而是龜也無所偽乎真而真假之  
惟其真假之則余恐所假者非特形尔而智亦  
假之然則無量師以智化群迷而龜復以形至  
而智相之是亦造物者盖將合二智之神其為  
一方生靈之福歟州之人與寺僧懼久而無傳  
列其事以告曰願有紀焉以刊之無窮余曰無  
量師無物者也今其有是龜紀與夫用余且之



網而得之者異矣龜無心者也今乃有無量師者為之依皈此與夫死留骨而中筭於王之廟堂者異矣然余聞之惟和之所致者祥也余之為州何術以召此其亦 朝廷德澤薰蒸浸漬而至神之物顧有所不自愛者歟不尔則二者輝光發越何其同時並應若合符節然耶此余之所以樂為湘人傳焉元祐六年九月望日記清湘縣令熊知常立石宣德郎通判全州軍州兼管內勸農營田事借緋王希篆額并書左朝請郎知全州軍州兼管內勸農營田事輕車都尉借紫黃伸撰

### 真空壇記

進賢坊信士蔣明妻張氏男汝隆汝諧伏覩無量壽佛妙明塔後真空壇歲月久深棟宇摧壞謹施家資鼎新蓋造彩繪壁像嚴以龕帳飾以丹青向無供卓以備莊嚴今則從而增置漆以朱墨向無街道峻不可升今則易其苟簡平以層級經始於紹熙癸丑之春迄成於慶元乙卯之冬工用告畢此豈綿力之所能就皆諸佛護持之力是用修設冥陽水陸齋供以落其成住山惠光礪石請刊歲月知塔惠曇謹書

### 湘山法堂記



余乾道四年秋來湘源有僧謁于涂稱傳法師  
曰道堊問其居則曰湘山問其山則曰無量壽  
師道場至則訪焉見其浮圖峩峩宮廟耽耽士  
女屬屬敬嚮祈禮鍾磬之響不絕且以為全之  
竟無水火旱數有內外寇變不為害皆師之靈  
民亦至愚至合辭無間然則亦似不可欺寺為  
州之報恩光孝賜田不及十七其徒數十役者  
倍之以此乞食不乏肆法之堂久廢全人亦相  
與度工合財築而營之凡用錢二百五十萬有  
奇始於五年八月戊子迄六年十一月庚寅而  
堂成其觀益壯全人亦相與歡悅稱贊而來乞  
有二人辛卯州學教授信安祝禹圭為之書

鍾樓記

書其事使歲月有考蓋謀之者道堊作之者法  
杲合財者王誠李守崇以下凡一千二百一十  
鍾古樂也今祀事用焉而寺觀以警朝昏佛宮  
有大小鍾亦稱是時異方殊製不必同而撞鍾  
以警衆其所由來舊矣杜少林詩曰欲覺聞晨  
鍾令人發深省信哉斯言乎湘山寺無量壽古  
佛道場有洪鍾鉅樓榜曰鯨音前通守張孝忠  
書之問其本末則清湘竇氏一乃成之粵若淳  
熙辛丑於羅漢閣創毘盧像又紹熙辛亥於殿



東偏屹創斯樓暨于壬子冬去小鍾治洪鍾會  
士女以落之度錢四千餘緡寺僧之經營邦人  
之相助亦各有力而竇氏之施十七八噫是欲  
贊大雄之教以發朝殷暮者乎竇氏諱文傑字  
邦俊一鄉之善士也年八十垂歿屬于子孫樂  
善其子元來京師談舊事與予昔遊山中日所  
問槩同書詔來者俾有覺嘉定辛巳夏五月甲  
午朝散郎守太府少卿兼國史院編修官竇錄  
院檢討官林岳記承直郎新差亮慶元府府學  
教授韓補書承直郎亮荆湖南路提點刑獄司  
幹辦公事諸葛十朋篆蓋

大三門記

承議郎權通判全州軍州事賜緋魚袋何士先撰

凡居室營繕久則敝敝而新之則後人之責然  
而不材者雖其父祖之基亦弗克紹坐視圯廢  
者有之况其他乎浮圖氏所棲惟教律院甲乙  
繼承僅以不壞雖壞或能修復至於禪刹十方  
來者皆得而居之大抵視如傳舍其無見聞為  
利養者徃徃左右攫拏以實其私篋而去舍宇  
之堅良隳隤皇卹哉湘山光孝寺是為  
寂照慈佑無量壽佛道場遠迹皈依修營塔廟  
莊嚴妙甚惟三門規模狹小於崇奉為佛祿兼



蓋覆踈缺梁楹蠹蝕有歎壓之虞道者守詵以  
淳熙乙巳夏受州郡請住持未幾即議改作乃  
手疏往叩檀那之有力者得負郭蔣氏洎男李  
士明以錢二十萬為之倡又得下棟唐氏族屬  
助出大木數百章信善聞之各輸金幣相與集  
此殊勝因緣以戊申冬十月功始已酉二月門  
成葺腐以堅易昏以明簷廡翬飛金碧光鮮合  
境振觀歡喜讚嘆得未曾有於是守詵來請紀  
其歲月余觀人立事少之時必精銳勇猛老則  
澶漫弗振也今詵取鵬已高志力弗衰當役而  
不告勞為衆而弗殖私新作二門超乎前規其

諸異乎尋常禪貶如來以希求財利為身謀者  
之所為者乎善哉使為政者亦能如詵用心老  
而益堅勞而克勝弗拘已私弗靳已能則政事  
日新功業日增矣何弊之弗除亦何利之弗興  
夫如是庶幾亡愧于初也乃為叙述而系之銘也

美哉與焉湘之濱

旋題奕奕金鋪新

規摹增高幾由旬

告成歲酉奎集辰

哀集檀衆崇勝因

祝兩宮壽億萬春

誰其尸之老初詵

吾為銘此詔後人

淳熙己酉日南至住山守詵立石

外三門記



滕王有閣醉翁有亭稽林壑深秀之文誦落霞  
秋水之句無非遊觀之地而已無益也然王公  
大人政事閒暇極觀覽窮勝槩新其高閣猶有  
可諉其或挺身桑門皈依法教慨然任作亭之  
責不留心於殿堂之欽奉乃着意於軒楹以娛  
樂安得為明見者也顧豈若問閭善士被我佛  
之恩效涓埃之報捐資財而不吝寬闕典以函  
圖意向所趨轉眄已就使僧智仙獲覩之寧不  
覲顏執觀此則知全之善士有如臨湘坊黃君  
興宗河街坊黃君紱均有心向佛者也全之為  
郡孰不在無量壽佛并包涵容之中其感戴佛

恩者豈獨黃氏之族耶蓋君之意以謂與其鳩  
工治材為無益之舉不若補苴罅漏為有用之  
實與其泥佛專事虛文不若奉佛而加以誠意  
佛雖不責其報於我而我烏可無鼎彝之心一  
旦黃君締思湘山道場雖曰數百年之久其間  
未免有闕典也自妙明塔外佛菩薩有殿宇僧  
行有寮舍經典有藏講說有堂闔關之有三門  
往來之有廊廡以至香積有厨種植有圃是則  
何以謂之闕典歟彼蓋謂寺之深邃允在內之  
崇奉者罔不精嚴途之迂回允在外之觀瞻者  
有所擁蔽如良玉在璞不知其為玉衣錦夜行



安知其爲錦所謂外三門者不可不創也願心  
統起善類駢集遂擇紹定庚寅九月二十日命  
工起豎不旋踵而慶成大而神像小而綵繪皆  
同志之士樂施金而勇爲之初無分毫靳色况  
遇賢侯如曾公穎茂者大書特書銀鈎鐵畫昭  
揭于上則知侯之美意亦以佛恩之難報而闕  
典豈可不因而成就乎而今而後愚知佛之惠  
一方者無有窮已而士之報我佛者惟患思慮  
之所不及尔思而得之一念未始退轉其黃君  
與宗黃君紱之謂歟若夫今日之創建異時之  
整葺廣而闢之高而大之則有叢林之主盟者

在焉僕雖隸業率序而外三門之建顛末皆知  
之將以告諸來者烏得不爲之述其大槩云時  
紹定五年七月二十四日全州州學學錄張淵  
記并題蓋勸緣會首黃興惠黃紱黃興宗朝奉  
郎通判全州軍州事兼管內勸農營田事林壽  
公朝請郎知全州軍州兼管內勸農營田事曾  
穎茂

湘山正路記

全州報恩光孝禪寺曰湘山在洞庭之南為叢  
林之勝槩楚國之奧區飛來峯石虎嶺佛髻山  
突然崛起超九有以混三光遠則桂之玉筍衡



之鴈峯潭之祝融柳之劍攢邵之洛陽春陵之  
九疑龍城之鶴駕永福之鳳巢英靈氣象紛紛  
籍籍薄乎前也無量壽主人宰堵波在焉無量  
壽主人耶梵語所謂阿彌陀佛是也在李唐為  
引導衆生以法身化身報身出現世間制十二  
部經轉道而之後世至會昌入般涅槃之次放  
十二道毫光一光一佛條適上遂福惠於人靈  
應如響張無盡之讚王定國之述備矣故歸依  
佛歸依法者肩相摩挾相屬也夫鴈塔連天龍  
宮照日雲堂緝殿皆有可觀唯戶外之徑歌斜  
屈曲自外入有擿埴索塗者自內出有實行賢

路者何以副方來之盛邦人欲改更久矣然有  
外予而內不予者有陰擠而陽取之者有偏見  
者有橫議者衆言殺亂不趨聚訟之煩思欲正  
之直戛戛乎其難哉前瓊州安撫王公弭節此  
邦每詣寺慨然嘆曰道若大路然迂僻失於不  
整可乎故堅舉膏臆力為準繩邪者之正曲者  
直之坳窪者平之見者聞之皆歡然致力以助  
成之於是松蓋蒼蒼履道坦坦擗眸一瞬蔚然  
而深秀者皆妙莊嚴路大總持門繩繩然秩秩  
然廓廓然無有滯碍持地菩薩以身負土雪山  
童子布髮掩泥殆不過此嘗聞元次山與鄰里



會曲全當時之歡以順長者之意東邑有全道之士聞之曰古人有惡曲者不曲臂以取物之曲膝以便坐不曲氣以轉聲不曲詞以達意不曲視以回目天下有曲於君曲於民必欲劫而死之次山聞之曰吾以顏貌曲全一歡全道惡我如此曲於足者豈以為不褻乎有行此途能了是義異時坐御史府頂獬豸冠糾正宮邪維持國是寧肯枉己以從人屈德以徇物大哉無量壽主人法施之普使人由直道而已豈小補哉君子是以知滄臺滅明行不由徑義或在是安撫公名子音恭開封人也為政健傑以才

聞於世云紹興二十三年正月五日右朝散郎權通判靜江軍府主管學事兼管內勸農事賜緋魚袋唐時謹記儀真進士李昌國書并篆

朱孝子墓亭記

紹興二十有五年 天子以冬至之日躬行三歲一郊之禮訖饗 沛澤形於赦音者勤懇切至無不以民為先且曰忠臣孝子墳墓仰州縣量加封護不得侵損于時濟南王次山以倅攝湘源郡事虔奉 德意諭于衆曰其有能詢訪郡境內以孝行聞者無恪以告於是州學正管箕以行狀來白昔有朱氏家自本朝世以孝聞



公得其狀曰果尔詐可隱乎乃詣學囑教官宜  
春黃次元曰其為次山採撫前事務得實狀以  
記其事仰副 皇家敦崇孝行之意不亦躋乎  
次元備負庠序職當激厲孝行不敢固辭乃竅  
實于衆為述其一二孝子朱氏諱道誠字信中  
本青州益都縣人後寓居清湘篤好儒術幼喪  
父事母俞氏至孝俞氏多病孝子截髮求醫俞  
氏於景祐二年二月戊寅卒塋於湘山下景德  
寺之左乃築庵宿守於墳側至感冬筭生成瑞  
竹以蓋其墳清湘灌陽兩縣百姓僧道父老管  
殊等凡九百三十二人以其跡狀聞于州州以

其事表聞于朝四年閏四月丁亥大傳中書令  
寇準奉 旨令全州賜道誠束帛米各有足碩  
仍令本州常加安撫其事倍載

仁宗皇帝實錄而 聖宗表求亦有道誠冬筭  
之句則信不誣矣孝子盡將所賜作祝聖道場  
凡七晝夜此又事親孝而移其忠於君也崇儀  
使陶輔嘗贈之詩曰沛國孝廉士片心秋月明  
諸侯不知已 天子已聞名撫下有愉色處貧  
無嘆聲 皇家舊科在者耶晚俸驚孝子於皇  
祐五年六月丁巳卒享年四十有九祔葬于母  
墳之側瀘南安撫王猷可以詩吊之曰孝弟聞



名父清貧道愈光奄歸泉下路未有髮邊霜夜  
月明孤塚秋風嘯白楊皇天常祐善行者子孫  
昌娶周氏子三人長曰勗二曰揚善三曰昇揚  
善又於父孝子墳側為庵以守兩縣父老舉人  
等亦以聞於州州聞於朝至和二年中書省奉  
旨賜揚善米帛如父恩揚善後改名冕李常寧  
榜蒙恩官至宣教郎權守融州孫十二人長曰  
浩以母胡氏多病誓終身不娶不飲酒食肉胡  
氏卒禱于湘塔 祖師翌日復生如平時清虛  
居士王定國喜其為人字之曰子直因附其事  
於祖師碑中次曰冰弱冠兩預鄉薦次曰激以

邊功從事至化州刑曹今日洪者即冕之子也  
克志讀書不喜應舉曰激者即昇之子處已謙  
厚樂善慕賢激之子曰相字彦章又勗之孫也  
嘗為舍法生山谷老人與激善愛其子有文行  
乃名字之相卒以詩哭者凡百餘篇權守王公  
之為州也奉法不擾民俗安之尤急於遵行國  
家稽古禮文之事乃輟公帑常費命清湘知縣  
趙善政為亭於孝子墓之上以為其子孫春秋  
享祀之所成於次年上元之日不斷不削不動  
衆亭成而人不知也次元竊考周官大司徒之  
職以鄉三物教萬民而賓興之二曰六行以孝



爲先漢唐之間取士亦有孝弟孝廉之科孔子  
之設四科以孝哉閔子騫居德行之選則自古  
敦孝行可見矣又考古孝經授神契曰元氣混  
沌孝在其中庶人之孝則澤林茂澤珍舒怪草  
秀水出神魚以此知孝子之母墳感冬笋生作  
瑞竹爲蓋乃孝子之證兆也今在學有舜選者  
孝子五世孫相之子也居鄉里恂恂謹士行業  
文爲科舉計且能通經以諭諸生異日高大朱  
氏門戶者必茲人歟亦累世積孝理或然也紹  
興二十有六年二月旦日謹記

右迪功郎全州清湘縣今主管勸農營田公事趙善政立石

左通直郎充全州州學教授賜緋魚袋黃次元撰

右朝奉郎通判全州軍州主管學事兼管內勸農營田  
事權州事賜緋魚袋王次山書并題蓋

### 湘山甲亭記

湘與漓分百有二十里東合灌流而羅水又從  
西北匯郡以峙立有山峻極巔巔其陽望之若  
無所容其足也城西行二里許稍迂數十步巖  
堅天開寬闊靚深遂得蘭若之勝由殿廊益東  
上斗折再三側立陽崖有地方不二丈竚立而  
望則三江之吐吞萬山之嶙峋皆在其下雲煙  
杳靄飛鳥滅沒可觴可詠使人忘歸真清湘之



絕境也爲作小亭以甲名之王黃州所謂江山  
猿鳥雲泉竹樹爲天下甲此亭皆具焉余以甲  
寅夏初官是邦其明年冬始與賓客俎豆于此  
居亡何被檄並郡遂以及終更雖去國懷鄉者  
之思而余心樂之自不能忘夢寐斯亭也今將  
委三湘而北去因記其名之始俾刻石山中慶  
元丙辰六月旦日歷陽張孝忠王臣書

湘山圖記

湖南皆山而多石自浯溪以至桂林大抵平地  
倚天蒼玉嵯峨全介其間環城如畫城之西有  
曰湘山實爲寂照祖師道場師在唐出現于

咸通寂于貞元焉氏以法號曰

德名爲寺而清虛王公蓋嘗

寺蟠踞其中面勢端平可容並

麓之勝涂徑深廣松檜夾

邃而所謂祖師真身塔者又

槃刻露峭拔如碧蓮峯如碧玉身不可形

朝雪夕殆若銀瓮鐵圍使人毛髮惕息自西而

上有隱嵒僅可容身師嘗燕坐示滅之地不數

十步而有故塔其徒相與奉師身而龕之傍有

嵒竇嵌空明潔可愛攀援而上亭曰肖峴而舉

城內外盡在眼中道鄉鄒公南遷北歸留記歲



月風雨剥落可識者無幾自東而上有庵曰雲  
歸僧有行業邦人築屋以居之又其上曰湧泉  
中有穴方丈許泉深且甘接寬引流入于齋厨  
日飲數百人逕寺而西出山川之勝益加秀傑  
嶄絕之狀大江橫會于前蓋東則螺溪水出自  
武岡南則白石水出自山川洞西則大陂水出  
自西延三水合流於橋渡而後委蛇入于湘江  
岸江居人臨水對山常在几案中有島嶼竹樹  
叢生視橘洲而小然扁舟往來彼此各適其所  
之清深幽邃昏曉異態而寺名磐石者存焉寺  
居山之半樓殿突兀縹緲雲霄間有閣名卷煙

刺史辨公詩榜猶存側睨奇石  
錯落殆以萬數驚視却顧歎未  
老木交陰道險磽确仰高俯下

山至是截然屹立直平正方其

廣可百數十丈勢欲奔赴江水洶洶如崖厚也

遊者過者眩心駭目不敢久立懼將壓焉山形

全石無大草木兩餘霜後飄灑滴溜不識從來

山空風勁雖極暑可御袂衣蕭然不知炎荒蒸

毒之氣好事者著亭其下而有泉出山之趾其

冷澈骨冬夏不竭金華潘侯持節來遊榜曰湘

中第一楚人以爲名書云紹熙甲寅六月望括



蒼潘景愈題住山惠光立石

辨公名浩  
辨公名開

### 覆釜山苦鍊庵記

聞之西方有神其名曰佛行一切苦無求於人  
湘山祖師亦有精修苦行現再來佛身自徑山  
得法初卓錫覆釜次佛蓋又次而湘源今道場  
是也覆釜西去城百里崇山峻嶺人跡罕到住  
持古澗祖潮躬行踐履將以淑諸人於山之中  
途築室爲二三子辨道之所多植苦鍊門間以  
苦竹半刺史趙公郎以苦鍊名庵蓋有深意其  
旁有田有藥畦有羊區可耕可蒔以食其力晨  
香夕燈左餅右鉢一塵不染萬緣寂然茲苦之

仲冬十有九日朝奉大夫前廣南西路提點刑  
獄公事張琮書朝請郎通判全州軍州兼管內  
勸農營田事趙崇萃名朝請大夫知全州軍州  
兼管內勸農營田事林起莘題蓋

湘山事狀全集卷之九終



湘城耆老滕鼎 滕暉 唐瀚 袁壽

袁本 王本忠 滕暄 滕晚

僧覺淨 明鋼 智洪 惠慶言

湘山事狀全集卷之十

聖旨免稅役碑

使司准轉運使衙牒據全州申州司據湘山報

息光孝禪寺住持僧祖輝狀本寺崇寧賜額為

天寧萬壽禪寺元奉 勅命撥賜田壹拾頃充

常住並免納二稅并應干科配之類已蒙於清

湘縣管下六鄉諸寺僧亡戶絕田內節次撥到

未經界前共柒百肆拾餘畝緣本州係在遠方

雖承前項恩命山門並不曾經所屬陳乞蠲免

又經孔彥舟曹成人馬到寺虜劫去失文字因

循阻隔至今紹興初特奉 聖旨改報恩光孝





為額專一追崇 徽宗皇帝道場非不精嚴本  
寺係是葦律為禪院宇不一元無常住逐年不  
住修造至今尚未周圓其所得莊課除納二稅  
外不及半年供給別無所補近緣本路潭衡邵  
道桂陽軍等州軍報恩光孝禪寺已各於逐州  
陳乞備申轉運衙於元降指揮各已免二稅并  
應干科配之類給據付逐寺照應訖但祖輝今  
錄白衡州報恩光孝禪寺免稅公據陳乞念本  
寺係 今上奉親薦嚴去處備申轉運使衙乞  
依潭州衡邵道桂陽軍等州軍報恩光孝禪寺  
例給降公據付本寺照免二稅并諸般科配之

類使山門緊需朝廷崇嚴之意不廢焚修州司  
尋行下清湘縣勘會本寺的實見管稅畝數目  
案籍保明供申今據本縣長申會到本寺元管  
稅七百四十八畝七十五步經界打量新稅六  
鄉實計一千四百一十一畝一十七步保明並  
是詣實申州照會施行州司再行保明並是詣  
實除已連粘住持僧祖輝繳到錄白到衡州報  
恩光孝禪寺奉准使衙給降與免稅役等公據  
在前申本司乞指揮施行當司今檢准下項牒  
所據前項狀申當司今點對得全州報恩光孝  
禪寺元額撥賜田只計七百四十八畝七十五



步今來具到却計田一阡四百一十一畝一十七步今請子細照應的實據元賜給田畝依元降指揮與免二稅外有其餘田數合令本寺送納二稅施行須至行遣崇寧二年九月十七日勅天下諸州各賜寺額以崇寧為名許令任便修蓋 崇寧三年六月初四日准轉運司牒准尚書戶部符三月初三日辰時准崇寧三年三月初一日勅中書尚書省送到戶部禮部狀准都省批送下江南東路轉運司奏准勅天下州軍各賜寺額以崇寧為名并准勅節文鎮州許置崇寧觀除已施行外契勘本路寺院多藉莊

田供膳徒衆今乞欲每寺觀各給田壹拾頃逐州天荒田土或五年已上逃田撥充事并准批下權通遠軍薛師雄奏崇寧寺乞於本界見招置弓箭手地外於逐司係官地內撥田十頃充常任戶部左曹今勘欲依江南東路轉運司并薛師雄等奏乞各給田十頃以逐州天荒地土或五年已上逃田并江漲沙田充如逐州軍崇寧寺觀內有已降 朝旨撥賜常住地土數目即從已降指揮及餘路分軍州所置上件寺觀去處亦依此施行右曹看詳所乞除左曹已勘當外有常平司係籍天荒戶絕酒場折納抵當



田土今勘當若降朝旨許撥於本部即無違碍  
并勘當薛師雄所奏撥田充常住乞免諸般差  
役內差役事昨來已奉 朝旨改為免稅之法  
今來本官不說更有諸般是何差役事欲乞下  
本路轉運提舉常平司勘會候見諸實別具子  
細因依申稟所屬施行候指揮尚書省勘會除  
薛師雄奏乞免諸般差役別作施行外取到戶  
部狀其餘州軍崇寧寺觀係乞各給田十頃仍  
連元狀二月二十九日三省同奉 聖旨依奉  
勅如右牒到奉行勅前批三月二日巳時付戶  
部施行仍關禮部及合屬去處 崇寧四年五

月十七日准尚書戶部符准崇寧四年二月八  
日勅中書省尚書省送到北京留守司狀契勘  
崇寧萬壽寺觀已依 朝旨給田拾頃訖今據  
崇寧萬壽禪寺申乞依本府天慶觀例免納役  
錢及諸般差遣本府看詳崇寧萬壽寺觀係為  
國焚修祝延 聖壽即與尋常其他寺觀不同  
又已蒙朝廷給賜田十頃即未有依天慶觀例  
免納役錢諸般差遣指揮伏望特降指揮應崇  
寧萬壽寺觀官賜田土並依天慶觀例免納役  
錢及免諸般差遣候指揮仍連元狀二月七日  
奉聖旨依所乞並與免請依此仍先施行奉



勅如右牒到奉行 勅前批合入元符賦役  
令二月十日未時付戶部施行仍關合屬去處  
崇寧五年正月九日准轉運衙牒准崇寧四年  
十一月七日勅中書尚書省送到西京省留狀  
據崇寧萬壽觀狀大觀合給田壹拾頃近於學  
田內取撥到乞放免施行本府契勘初修建  
崇寧萬壽寺觀合給田壹拾頃並係於學田內  
那容取撥了當其學田已放免二稅所有撥與  
逐寺觀田土承 勅並依天慶觀例免納後錢  
及諸般差遣即不該載放免二稅檢會到本府  
天慶宮先撥賜到地土夏秋稅并元催物色等

並除放本府看詳既依天慶觀例緣本府天慶  
宮有此專條即崇寧寺觀亦合依此合行申聞  
事仍連元狀十一月六日奉 聖旨應諸路州  
軍崇寧寺觀所賜田並與免稅仍先次施行奉  
勅如右牒到奉行前批十一月九日午時付戶  
部遍牒施行仍先關合屬去處 政和元年八  
月八日○勅天下崇寧萬壽寺改作天寧萬壽  
紹興七年四月十二日勅應諸路天寧萬壽寺  
以報恩廣孝為額紹興十二年十二月十二日  
勅報恩廣孝寺改為報恩光孝寺為額政和六  
年二月十八日都省批狀勘會崇寧四年十一



月六日批指揮天寧寺所賜田並與免稅耶無  
限定數目其本寺田土不以多少但係所賜之  
數並合依上件指揮放免送戶部申明行下  
右除已行下清湘縣仰照會施行仍開具元給  
賜田依元降指揮合與免二稅錢物若干及有  
其餘田數合令本寺送納二稅錢物若干須管  
確實保明供申以憑照應施行外今帖報恩寺  
仰照會紹興二十八年四月 日帖

軍州事推官楊 押

通判軍州事錢 押

權發遣軍州事劉 押

又免二稅帖

使司據清湘縣狀申使帖開具報恩光孝禪

元給賜田依元降指揮合與免二稅錢物若干

及有其餘田數合令本寺送納二稅錢物若干

供申縣司尋勒六鄉司及會到報恩寺申本寺

依元降 聖旨合撥賜田一十頃並與免二稅

諸般科配節次止撥到田七百四十八畝七十

五步外二百五十一畝半四十五步不曾撥足

內撥到田除七畝半六十步被歸明人覃下班

請射侵占外實計七百四十畝半一十五步其

見管所賜未經界以前係納夏稅錢九貫九百



二十四文足絕八尺二丈一尺麥一碩八勝秋  
稅米六十碩四斛三勝草九十九束自奉行經  
界將上項田稅打量到分三等雖計稅一阡三  
百八十四畝八十三步却止納夏稅錢八貫五  
百一十一文足絕八尺二丈八尺麥九斛八勝  
秋稅米四十六碩五斛九勝草九十束今來轉  
運使衙為見經界之後稅畝過多致行下取會  
合免及合納稅物數目縣司照對報恩寺元撥  
到田七百四十畝半一十五步經界雖量計一  
阡三百八十四畝八十三步半並係元撥到田  
舊稅量出之數比經界以前即無增添合依轉

運使衙牒備坐政和六年二月十八日指揮天  
寧所賜田畝並與免納二稅即目限定數目其  
本寺田土不以多少但係所賜之數並合放免  
二稅外別無合納稅保明並是詣實申州照會  
施行須至行遣。右除已備錄本縣所申因依  
供申轉運使衙照會施行并行下清湘縣更切  
子細契會詣實據元給賜田畝依元降指揮與  
免二稅外今帖報恩光孝禪寺仰照會紹興二  
十八年六月初五日帖

軍州事推官揚

通判軍州事錢

押



權發遣軍州事劉 押

又免科敷帖

使司准轉運使衙准行在尚書戶部符准隆興  
元年十月六日 勅中書門下省臣寮上言云  
取進止十月六日三省同奉 聖旨除天慶觀  
報恩寺係崇奉 祖宗外其餘宮觀寺院今後  
並不免科敷奉勅如右牒到奉行前批十月七  
日辰時付戶部施行仍開禮部及合屬去處符  
本司牒請詳前項省符內備奉勅命指揮疾速  
施行仍開報管下縣分及合屬去處  
右帖報恩寺仰詳前項轉運衙牒內事理照應

施行隆興二年正月二十一日帖

軍州事推官楊

在假

教授權推官萬

押

通判軍州事韓

押

知軍州事王

押

山門昨蒙本縣准使府備准轉運衙依降  
聖旨蠲免二稅已給到公據其利傳哉深慮  
久而湮沒今命匠鑿石山間永傳不朽者乾  
道己丑四月八日住山此庵道梁 謹書

已上三帖通作一碑於山中○懼而觀妙

望湘山皆陰兵不敢燒劫今免稅碑又云  
孔夷舟曹成人馬到寺勇劫去生文字似



有相及及考先代老舟子及云賊入城燒劫雖不燒湘山而僧進也

### 安撫給事鄒公增田記

如來不着相布施有涉其焚者非求福田利益也吾儒以斯道覺斯民彼一不衆生衆生潔心毘尼慈悲喜捨至踐青折萌一不敢於堯舜孔子之仁有助焉特居中國去人倫不得與吾道並其教然尔。寂照大師以金沙鑠子化現大士身津筏全壞起晋天福距今三百餘年香火奉不絕士大夫有頂禮而南者率浮屠尊之惟給事鄒公。天子言語侍從臣出殿南服一登宰堵輒生信解心逾嶺治桂爲別創精藍越二

年易鎮星沙艤舟湘山屬時枯涸一禱而澍施縉留詩未幾開藩復帥潭民利奉之其不及躬至湘源則歲時遺衣服齋食絡繹洎將去潭亟走必齋正習持俸五十萬詒書似祖俾我田博飯以昌其徒於是不知者謂。公護法謹其知者以。公菩薩地位中人也洞三生緣幻宰官身言猶侏離尔盖公行堯舜夫子之道以濟人利物爲心念湖湘去畿遠出沒蠻獠與鄰游有寇攘荒燬疾癘之變獨全稱樂土饑兵不害乃本其自實以師號名州克弘庇之國家於能出雲爲風雨恠物者俱荅以祀矧茲人天之願果



安吾甦寬南顧憂行將歸覲 九重提一筆福  
蒼生表請于 朝則茲其首也豈若裝相國張  
無盡絕意生民棲真禪寂區區躡響瞿曇後哉  
似祖既以 公命市田為檀施先敢復以其說  
曉白天下而鑿諸石歲玄默端祥霽月吉日門  
生迪功郎全州軍事推官錢似祖記榜下士承  
議郎權通判和州軍州兼管內勸農營田事錢  
德謙書

增田免稅公據

使司

據推官狀申據湘山寺狀申本寺崇奉

徽宗皇帝道場及 無量壽佛示現之所亢雨  
賜為膏疾瀉為苗至誠禱祈罔不昭報昨春  
霖潦踰旬江流暴溢親蒙 判府提舉寺丞  
郎中入山炷香隨即開霽中夏閔雨便獲感  
通千里之間咸知敬仰近蒙 安撫寶學給  
事鄒公以 無量壽佛施神通力宏庇一方  
特捐請俸牒委置到蔣小二王七田二契共  
計四十壹畝九十六步添膳僧行為  
國焚修除已費牙契司投印并清湘縣過割  
批鑿砧基訖今開具合納夏秋稅數陳乞備  
申使府以湘山係追崇去處常住弗給其他



寺宇難所接比特賜行下清湘縣蠲免二稅  
庶幾歲收花利得以贍衆具到二稅數折連  
申州乞指揮行奉 判府提舉寺丞郎中台  
判帥座捨錢置田况報恩寺係追崇  
徽宗道場例合免租案照所申行下須至給據  
者

中下等稅共肆拾壹畝九十六步

右除已行下清湘縣照應蠲免稅外今給據付  
湘山寺仰永遠照應嘉定十六年三月十五日

從政郎全州清湘縣丞兼倉廳徐 押

修職郎軍事推 官錢 押

朝奉郎通判軍州 事陳 押

承議郎知軍州事張 押

佛教行天下左右而護持之 國王大臣力

也湘山 無量壽肉身道場流福一方感通

如響答賢士大夫莫不合掌恭敬 判府安

撫寶學給事鄒公子之田 判府提舉寺丞

郎中蠲其租皆以翼吾教而昌吾徒也破納

象頭打透向上開爲無負 佛設教之初意

二公所以維持之善心不然口體有所資

而本來面目不暇究則是士大夫不負吾教

而吾徒自負矣因書以示來者歲在癸未孟



夏一日當代住持傳法沙門宗海謹跋

長生東庫碑

湘山報恩光孝禪寺住持祖盧

右祖盧本寺伏象 使府主盟抄到檀信錢貫

創立長生庫逐年幹運存本出息以為寺門供

佛齋僧添納免丁之用祝延 聖壽務要流傳

久遠緣本寺係十方去處住持知事及守庫僧

行更易不常切恐後代主首人等不能体祖盧

建立之意或以常任闕乏或是迎接住持或以

詞訟為名或作名色支破妄行撮急關借使用

遂致庫本虧陷事極利害謹具狀陳乞

台判付祖盧執狀刊石為本寺久遠照會垂示

後未知事主首互相遵守不得妄作名色支破

措借如或違灰許內外人不拘僧俗具狀經官

陳訴乞行監理庶使士夫檀信施捨有歸不致

陷失實荷

府判秘閣郎中

判府寺丞郎中主盟之賜伏候

台旨

寶慶元年六月

日住持僧祖盧狀

樂善而施財以瞻衆非克已嚟已者皆不能也



叢林所在有庫名曰長年蓋謂存其本而用其  
息以爲久遠之資故立爲是名湘山舊亦有之  
近年以來用度不節不特蠹其息且與其本併  
竭焉其庫遂廢嗟乎山林不能供野燒江海不  
能實漏之信是言也嘉定甲申秋主僧缺員庫  
藏告竭 判府楊公寺丞亟從衆請特命祖盧  
住持盧本以苦行爲僧乃能資朴儉約帥從緣  
化以給其徒未幾齋飯充羨徒衆俱安於是又  
欲興復長生舊庫以爲山門無窮之益 寺丞  
慨然許之首爲開跡善念一發真足以動人由  
府判郎中而至諸官員暨士庶僧道之衆皆喜

而和之今所積已近三百緡乃取疏上題捨名  
街刻之翠珉以告來者且虛其半以示需足之  
意繼今以往吾知觀感益衆必至於萬計未可  
量也雖然盧始以學六祖勞苦服役立身故以  
祖述盧道者爲法名今茲住山又能潔已化財  
以爲衆善則善矣緇流寓於其中或乃耽於安  
閑溫飽而獲於勇猛精進則是舉也特一蠹耗  
之具耳自今願勿他求第則曹溪賜謚碑上行  
業以告其徒毋徒局於食輪之轉必於法輪運  
用上加參悟焉使爲僧者知進佛地爲行者選  
入僧流不特無負寺丞樂施之意庶亦不忝盧



以命名也遇近寺咫尺久不往游初未知此段  
勝事一日盧忽過我出示郡榜及庫疏以求為  
跋其後老矣豈復能文念此意之不可孤聊述  
其事以勉旃寶慶改元夏六月吉日迪功郎新  
沅州黔陽縣主簿清湘唐遇跋承信郎新監潭  
州南嶽廟臨江趙希棊書

西庫公摺

使司據湘山報恩光孝禪寺住持祖潮狀先於  
癸巳年十月內交割院事常住百色空虛惟東  
庫所存庫本錢二百八十八貫文市自入院之  
後革除浮泛支遣不一二年間填還舊債施主

題捨修造堂殿廊廡等處增置塔內供養銀器  
送納田畝官會大小債負即無呈欠外換上東  
庫錢共四百貫文市逐月運息交俵僧行祝  
聖觀錢及添納免丁又西庫一座計本錢四百  
貫文市除已令管庫僧如海德聰收附庫簿逐  
月申呈使府僉押外照得本寺往年之間動輒  
欠債皆因賒鹽之端今所有西庫逐月運息買  
鹽供衆實為利益切緣本寺十方去處住持知  
事庫僧通同移易措借侵用因以積多遂致倒  
敗實計利害申乞送案出給公據照應仍取兩  
庫僧如海德聰等知委須管坐台欄解不得懸



空失借亦不許今後與主首知事庫子等人輒  
與常住私自借借分文嚴立價錢一百貫足並  
許耆舊徒弟等人將犯人明告官府嚴行根究  
監納賞錢重作施行庶得永遠申州奉 判府  
郎中台判給須至給據者

右出給公據付湘山報恩光孝禪寺收執照應

嘉熙二年三月十日給

縣丞兼簽廳林 押

司理兼簽廳張 押

軍事推官趙 押

朝散郎全州通判軍州事許 押

朝請大夫知全州軍州事林 押

西庫跋語

湘山住持所貴乎得人也尚矣居無何近年  
以來了無前代住持規範徃徃為己之念重  
而為香火之念輕視湘山有如傳舍非所堂  
者苟可以遂其營私之計雖朝參而息去之  
弗顧也由是檀施零星香火冷落帑藏枵然  
逋負山積岌岌乎若不能一朝居也信氏竇  
康民平時奉佛惟勤不忍坐視乃屬其耆老  
而相告曰香火則一興廢在人誠欲刻積年  
之蠹弊而一新之祇在乎得人而已矣僧祖



潮曩住金州萬春實出於大資叅政李公鳴  
復之命也若非當人何以與李公門墻桃李  
之數於是合辭以請於本路憲臺是歲癸巳  
冬十月祖潮懷帖入院未期年果而檀信雲  
從捐金施穀近悅遠來晨昏齋粥殆綽有餘  
裕山門之事以次而舉言其御書則有閣  
矣言其清白則有堂矣古塔之已壞復修東  
庫之已虧復補兀殿塔之增修僧舍之葺種  
種種周圍色色全好視前人稍有振作自常  
情觀之姑以是粗塞其責足矣惟潮也寸絲  
不掛粒米不粘九一毫有益於常住必尽力

爲之因思山間日用惟鹽爲最急以日而會  
所費尤不貲於是復以其修造之贏餘銖積  
寸累僅四百緡創爲西庫月收息可十二緡  
足償一月市鹽之費成規一定爲之申請於  
州給公文以爲之據尋刻諸石不惟與十方  
來者同享生生不窮之利抑且使十目所視  
有以貽永永不朽之傳噫嘻潮公其殆庶幾  
乎抑論之天下無兩立之理也損上者乃能  
益下節用者乃能愛人厚己者夫有不薄之  
者也肥己者未有不瘠人者也使潮公苟有  
一毫爲己之私則隨波效尤侵漁席卷事之



當爲者且不暇況望其爲人之所不爲也哉  
余於是益以見潮公有志於湘山香火之真  
心也故喜而爲書嘉熙戊戌六月既望迪功  
郎新昭州立山縣尉兼主簿唐桂謹跋

山門蕪寺僧紹隆立石

柴茅庫功據

使司

據湘山報恩光孝禪寺知事僧慧旻狀稟本  
寺崇奉

徽宗皇帝道場無量壽佛真身香火常住微薄  
日給浩瀚皆是鑿空支遣先得前任持潮老

節儉措置到東西二庫各管本錢五百貫文  
市運息逐月供備僧行祝 聖襯錢并買塩  
供衆委有利益寺門又措置清湘買柴庫一  
座方辨到本錢三百貫文市不期前任持遂  
求閑退院前去是致買柴庫本短少利息微  
薄今伏羲前廣西提刑許大夫晟大捨現錢  
伍拾貫文省并新廣西運使曾寺丞宏正入  
山拈香捨十八界官會壹百貫道彖當代住  
持道慈通衆商議今撥上項現錢伍拾貫文  
省官會一百貫道添入清湘柴茅庫充作本  
錢幹運自今爲始存本貯息每至年夏接爲



僧衆送納免丁錢貫貴得公私利益香火綿  
長稟乞行下主盟坐償錢五十貫文省立碑  
明示約束不許今後主首知事庫子等人私  
借移用侵沒本息如有違犯今廳內外人舉  
覺聞官乞賜罪咎監賞施行庶得庫業永遠  
稟州乞指揮施行奉

判府帥參台判案給須至給據者

右給據付湘山禪寺收執照所陳將捨到錢會  
添入清湘柴茅庫充作本錢幹運不許私借移  
易淳祐二年十月 日給

迪功郎全州清湘縣主簿簽廳 劉 押

儒林郎全州灌陽縣知縣兼簽廳李 押

文林郎全州錄參兼簽廳權通判趙 押

從事郎全州軍州事推官鄭 押

朝奉郎充荆湖南路轉運司書管文字兼帥參權俞所許 押

祝聖壽山禁地公據

使司

據學生從事郎待班程璫仰恃隆寬冒有申  
控璫家世蜀西己未韃變孔棘侍親出破未  
幾先君之變患難流寓未卜定居之所癸亥  
冬一翁趙先生將漕廣西挈與偕行家况相  
繼度嶺奉漕臺檄事右康塩篋不幸於今夏



五月以疾終于官所遠自嘉州扶護出嶺權  
歆謀屠於湘山之側初無局勢可用無過暫  
爲之計將復別謀之圖備到青蚨叁拾貫省  
克永滿庫本修造之助欲望台慈送寺照應  
收管庶先兄族禱早獲歸藏奉

台判送寺交錢擇地

續據學生前州學學諭父老廖應和陳劄右應

和忝生 佛國幸遇 賢侯伏覩湘山

無量壽佛道場

國朝列聖相承暨 大臣主盟條進崇

徽廟報德之所祈求福地累加

徽號奉

聖旨不許官員安下歷代住持遵守即無違  
越比者道淵乃廣帥俾令靜江管內龍泉小  
刹名曰住持單丁而已未幾因取財不道逼  
死庄客攝身囹圄去冬前政揚判府退去湘  
山主僧永宗就帖靈山住持廣慧未曾入院  
其道淵逃身潛來攬奪住持泚衆公舉坐席  
未溫便輒擅將常住祝 聖藏殿後禁地破  
荒始犯堊伊鄉官文檢法又次埋伊鄉人女  
孩未幾再又引援廣開明堂在文檢法墳左  
畔上首又安厝李主學宅眷今又不當於主



山寺基來龍臂上松林下中三門內大路傍  
正與兜率宮 勅賜妙明塔門對向容花鄉  
人塋立雙墳奪其真龍氣脉意圖何為今已  
開明堂基址如此則

徽廟道場

國朝壽山在道淵手內盡變為墓壠墳塚  
無量壽主人何以堪此應和思念遏絕於未  
萌之前陳乞  
力賜主盟取會知事体念

徽廟壽山於寺禁牆外任便點穴不致違碍  
俾 國朝壽山

徽廟道場與天地相為長久奉

判府鄧制寺丞台判祀佛廣大慈悲普濟群  
生自是無人我相却不當寺僧容人侵犯名  
山風水縱欲全官員人情於僻遠山側卜地  
已成者不可追改方來者須當謹守主法與  
綱維僧不得辭其責送寺不得於來龍山上  
動作一郡一寺所繫惋不輕也取主僧知事  
知委申唐喜只今

程經幹再陳劄

右穰縣以先兄權厝寺地仰干 主持已蒙  
念其萍梗無定送寺交錢給地本寺已交錢



下庫訖選來日開土二十八日安厝今廖父  
老有詞又准告示知事不得於來龍上動作  
又袁升壽縣按臨親爲指示作何曲造照得璫  
所卜之地即非貪其風水且在寺舍形勢之  
外日繫着青龍不可壘則青龍之頂有所謂  
千僧塔龍之腰有所謂侍者墓朱孝子墓碑  
尤可攷也今璫只於青龍山之下則本寺風  
水似無相妨且磚灰已辨日暮事嚴一旦又  
失指準則先兄之喪愈見暴露陳乞照已判  
送寺照應存歿知感奉

台判帖黃都監躬親審實仍取網維僧保明  
申一日後提都監黃修武窺實到一宗因依  
併責到網維僧了素等及父老廖應和供狀  
右應和今袁使府帖委黃都監到湘山爲據  
程經幹墓祖事所是應和泰生 佛國老年  
八十三况 祖佛壽山僅五百年之香火追  
崇 徽廟報德道場所  
國朝壽山奉

聖旨不許官員安下今來墓祖有礙於條應  
和泰是父老於今月十四日具公狀詣使府  
披陳袁判府台判差人取知事知委申後  
判府同府判親詣新闢條來龍山上動作者



詳委是不可今父老應和所供並是詣實伏  
候 台旨據都監黃修武繳申一宗文狀申  
州奉

判府寺丞台判數百年壽佛道場數千年士  
民敬信寔本州祈求請祈之地比年以來住  
山不得其人僧衆蕩無顧忌私欲橫流甚至  
以大界相風水舉以與人而有廖父老者出  
名陳訴披緇削髮祖佛何所望焉地勝人尤  
可謂太急程經幹欲與兄卜壘始焉寺僧不  
曾承當則亦念不到此乃妄以許之却陰行  
鬼域之術不說破則已廖父老見之詞訟不

特官府爲之底止程經幹之鳩度亦膠轄矣  
今差官体究又捏和來問郡守他時僧子群  
起却謂郡守強之使壘因侵名山風水百世  
罵門一段公案誰實任之矧歸窆大事亡者  
正欲安跡圓機之士必也慮及此朱孝子墓  
不知立於何時千僧塔侍者塔皆在寺之龍  
首已犯不趨幸不是今日率作繼今已徃作  
主首寺僧愛護勝地無得輒以常平官地自  
做人情以爲利源苟惟不俊明有刑法陰有  
譴罰備所行牒報經幹詔使程新班聽請更  
詳處示報



使司除已備牒程經幹及取責綱維僧了素等  
知委罪狀外後據父老廖應和再狀

昨因湘山道淵僥倖住持貪婪無耻容壘伊  
鄉曲等人於常住祝 聖禁地內一不合也  
次又於主山來龍臂上先於一月已前卜成  
墳穴預備磚灰等待程經幹靈柩到指授埋  
壘主僕棺襯五具寺僧初大師因添種松株  
乃見其事跡遂行舉覺道淵當即會衆喫茶  
根顏虎睛言稱要壘旋生奸計使令投劄備  
錢參拾貫省克寺庫本謀占名山風水故違  
條制二不合也蓋主自犯罪原不赦因應和

陳詞奉

台判送寺不得於來龍山上動作

一郡一寺所繫忱不輕也取主首知事僧知

委狀申道淵等既供遵稟回申訖却又不改

前後違逆

台旨再又令投劄妄指朱孝子

墓丈量授例堅執要壘道淵三不合也奉

台判貼黃都監躬親審實綱維僧保明申道

淵公肆賄賂平常無籍僧了素紹環可遵等

協謀串套虛妄回申四不合也按朱孝子墓

碑備載清湘圖志當時地主於

仁宗朝景祐二年壘于湘山景德寺下因孝  
行感冬笋生成瑞竹垂陰母墳四民父老管



殊等僅千餘人保奏申聞年  
上奉

旨詔令全州兩次降賜束帛錢米次歷六朝  
高廟紹興報恩始立至今前後二百五十餘  
年多孰敢援其例者千僧侍者塔在浮石上  
安立與 勅賜妙明塔門異向墓碑通呈乞  
賜台覽便可表證道淵反行賄賂肘翼腹心  
徒黨僧了義紹珉可遵等搖尾乞憐趨炎助  
香丈量盡圖指鹿爲馬網維虛妄矇昧清明  
向中鹵莽五不合也致蒙 台判數百年  
壽佛道場數千里士民敬信住山不得其人

僧衆蕩無顧忌私歌橫流甚至以大界相風  
水舉以與人今差官体究又担合來罔 郡  
守神見明如日月今道淵等反爲怨讎既程  
經幹遵依

台判已改卜訖但應和謹再陳乞

台判送案備榜禁約杜絕後來給據立碑永  
鎮湘山祝贊 使君與

佛同壽奉 判府寺丞侍郎台判道淵庸儒

不能爲教門硬脊梁州郡既與主張照已判  
給板榜仍令鐫石使司呈奉

判府節制寺丞台判須至給據者



右使司除已刊給板榜付湘山釘掛外今給據  
付本寺仰遵守 徽廟壽山鐫立石碑山門永  
為證應準此咸淳五年五月 日給

從政郎全州軍事推官陳 押

朝奉郎通判全州軍州事趙 押

承議郎知全州軍州事 趙 押

住持僧廣慧跋

佛法付囑

國王大臣必有主張是則一生具之地始不  
為貴要者所奪不然  
朝廷壽山一介野衲豈能常護而有之哉惟

湘之山

無量壽主人卓錫之所香火垂五百年山中  
一木一石人無敢輕犯之者蓋以恭奉

徽廟報德之壽山也楚碧踞左萬石環右前

拱謝螺森然香爐峯之迎拜後枕人峯儼然

旌幢帶之飛揚相其陰陽僉謂祇園布金可

也陰宅埋玉弗可也適有人焉念旅襯而莫

歸依佛宮而宅兆愛元之計得矣尊居之敬

謂何自非我恩公判府寺丞侍郎力主張之

則億萬載祝 聖報恩壽山積漸而成漏澤

園義阡矣數百年妙明寶坊今將轉而為守



一墳塋之庵院矣蓋前任持以鄉誼之故而不  
一歆拂知事任綱維受賂以地售人父老廖學  
諭出位之言蓋有以也至再至三致煩牙齋  
按臨相度可否凡五賜南山之判給板榜仍  
令鑄石以垂永久而遏將來式

恩公判府侍郎之心非主乎 佛教實所以

尊 朝廷也廣慧拙朴無庸備員洒掃適當

入院之始願未有未及詳知然事有適相類  
者因記曩歲荷 矩堂董公大丞相帖令住

持八桂寧壽禪寺繼而橘州姚公樞相可齋  
李公觀文例加青盼越九年相安於無事寺

所管鳳凰山莊唐朝裴中丞 僅所捨號初

聖莊時有趙將領喜其簪帶之秀納金求地

卜為佳城廣惠以常住地土非應副人情之

物遂舉常平令告之彼乃悖然有聞於閩府

今經師殿撰都承石璧胡公初開桂閩之時

也見之山判云物各有主從違合聽本寺官

司難以強壓其人貪得之歆未遂嗔怒之心

頗生與監寺僧和慧飾詞搖撼意欲必得其

地而後已又續準 使判慧長老久住寧壽

頗能主持院門野僧醜正惡直遂百計傾之

和惠今日之詞則前日宗昌之誣也此風一



長則自此寺院皆得以挾持主首百丈清規  
廢矣和惠勘杖一百押出府西界和惠之訟  
必是趙將領陰使之傾擠攘奪欲以覲其它  
日之福何用心之謬耶牛眠焉跑之地豈可  
以奸猾得之哉本寺既不願引示趙將領取  
責狀申如更再詞定行別議且鳳凰山特寧  
壽一莊地有 帥座主盟人尚不可得其尺  
寸之士矧湘山正

徽廟道場環遠皆壽山境界恭奉

聖旨官不許安下况安厝乎借是而觀則我  
判府侍郎恩公以大力量有大功德於湘山

者視石壁胡公都承殿撰侍郎之主張寧

壽祝

聖莊地者契券不約而同也海雲淨

衆鐘磬梵唄所以報我公者當何如耶此恩  
此德蓋將與此山相爲無窮矣這段公案雖  
出於庚學諭父老之言然從史維持者皆本  
寺耆宿賜紫慈定大師繼初始終之力亦可  
謂有功於湘山無忝爲釋子矣不可不表而  
出之謹撫始末鑿諸石而題其名曰祝

聖壽山非但使人知尊

君之義抑將祝

君之壽於無疆矣



湘山事狀全集卷之十終

信士滕暉為首命姪滕永端至昇鄉四都

陸山求取

祖師古板事狀一部化緣衆信各捨銀兩命匠

重新刊造

信士滕昇 滕暉 唐瀚 袁璿 袁本

王奉忠 滕暉 滕晚

僧正覺淨 住持明 僧智洪

惠慶書

正德拾壹年丙子歲刊行





